

SCRIPT OF EVENING GOJRI NEWS BULLETIN 18JULY 1700 HRS

ایویننگ گو جری نیوز بلیٹن مو رخہ 18 جولائی 2025

یوہ آکا شوانی جموں ہے غلام سرور تے نصرت تیں خبر سُنو۔

HEADLINES

- ۱۔ وزیر اعلیٰ عمر عبداللہ نے سرینگر رابطہ دفتر مانہہ شہریاں سنگ ملاقات کر گئے اُن غا مسائل سُنیا۔
- ۲۔ جموں کشمیر نے سوچہ سرویکشن 2024 کی درجہ بندی مانہہ نمایاں بہتری درج کی ہے تے جموں مرکزی زیر انتظام علاقوں وچوں سب تیں صاف ستھرو شہر بن گئے اُبھریو ہے۔
- ۳۔ شری ماتا ویشنو دیوی شرائین بورڈ نے گفا کی قدرتی شان نانہہ برقرار رکھن واسطے بیجاں کی تقسیم بارے ڈرون ٹیکنالوجی گو فائدو چایو ہے۔
- ۴۔ جموں کشمیر غا سابق نائب وزیر اعلیٰ کویندر گپتا نے لداخ غا نواں لیفٹیننٹ گورنر غا طورور حلف لیو ہے۔
- ۵۔ چیف سیکرٹری اٹل ڈلو نے کہیو کہ کل اُن لوکاں غو ہے جہڑا اچ تیں تیار ی کریں۔

CM RABBITA

وزیر اعلیٰ عمر عبداللہ نے گزشتہ روز جموں رابطہ دفتر مانہہ عوامی شکایات سُنی ہفتہ وار عوامی رابطہ پروگرام غے دوران کئی وفود تے افراد نیوزیر اعلیٰ تیں ملاقات کی۔ پدم شری اعزاز یافتہ تے نیشنل یونیورسٹی آف سائنس ٹیکنالوجی مسقط اومان گا بورڈ آڈٹرسٹیز غا رکن پروفیسر اقبال ایس حسنین نیوزیر اعلیٰ نانہہ اپنی کتاب فالٹ لائن ان دا فیتھ پیش کی۔ کشمیر صنعت و تجارت چیمبر غا صدر جاوید احمد نے وی وزیر اعلیٰ تیں ملاقات کی بین العوامی مارشل آرٹ کھیڈاریاں غا ایک وفد نے وی وزیر اعلیٰ تیں ملاقات کی۔

SWACHH BHARAT RANKING

جموں کشمیر نے سوچہ سرویکشن 2024 گیدرجہ بندی مانہہ نمایا بہتری درج کیہے مرکزی زیر انتظام علاقہ جموں کشمیر بچوں جموں صاف ستھرا شہر بن گئے اُبھریو ہے آکاشوانی جموں گا نامہ نگار نے اطلاع دتی ہے کہ جموں نے نہ صرف صفائی غا معاملہ مانہہ مرکزی زیر انتظام علاقہ وچوں مہرے مقام حاصل کیو ہے بلکہ جموں نے سوچہ بھارت مشن شہر 2.0 غے تحت باوقار 3 اسٹار گاربیج فری سٹی اسناد وی حصل کی وہے اس تیں علاوہ سوچہ شہر اعزاز وی حاصل کی وہے تاہم اس طرح جموں کشمیر کی شہر بلدیاتی اداراں نے اس سال مجموعی کارکردگی تے قابل ذکر پیش رفت دسی ہے۔

SMVDSB

شریاماتا ویشنو دیوی شرائین بورڈ نے گفا کی قدرتی شان نانہہ برقرار رکھن واسطے بیجاں کی تقسیم بارے ڈرون ٹیکنالوجی غو فائدہ چایو ہے ریاسی ضلع غا ترکوٹا پہاریاں مانہہ سالانہ گرین پلان غے تحت 17 لکھ تیں متا بوٹا لایا ہیں آکاشوانی جموں گا نامہ نگار نے اطلاع دتی ہے کہ شرائین بورڈ نے ماحول ناہہ بچان بارے یوہ قدم چایو ہے اس پہل مانہہ کئی تنظیمیں تے مقامی برادریاں نے اس قدم مانہہ ہاتھ ملایو ہے شری ماتا ویشنو دیوی شرائین بورڈ گا چیف ایگزیکٹو آفیسر انشول گرگ نے کہیو کہ یہ قدم ماحولیاتی شراکت دارای کی شمولیت کی مثال قائم کرے۔

FLS KATRA

وزارت ریلوے کی طرفوں جموں تے ماتا ویشنو دیوی کٹرا مہڑگے درمیان ایک نوی ریلوے لائن بارے حتمی لوکیشن سروے یعنی ایف ایل ایس نانہہ باضابطہ طورور منظوری دین تیں بعد مقامی باشندہ کاروباری مالکان تے یاتری یکساں طورور اس اقدام کی تعریف کر رہیا ہیں تے کہی ریا ہیں اس قدم کی تیں جموں کشمیر کی علاقائی معشیت سیاحت تے مجموعی طورور ترقی نانہہ نمایاں طورور فروغ لے غو آکاشوانی غا خبراں آلا شعبہ سنگ گل کرتا واں اُنہاں نے اس طرح کہیو تجویز کی گئی ریلوے لائن لگ بھگ 77.96 کلو میٹر غو فاصلو طے کرے گی جد کہ سروے 12.59 کروڑ غا تخمینہ لاگت تیں کیو جے غو۔

RUTT RAHDE

خواتین خصوصاً مشہور ڈوگر تہوار رت ریڑے ناہ خوشی تے جوش غے نال مناویں جہیڑو ڈوگرہ خطہ گی بھرپور ثقافتی وراثت ناہ زندہ کرے۔ رت ریڑے ڈوگر برادری غی روایت مانہ گہری جڑیں رکھن آلا ایک پیارا تہوار ہے تہوار قدرت تے زراعت تیں تعلق رکھیں تے مارا آباواجداد غی سائنسی بصیرت ناہ ظاہر کرے۔ جنہاں نے اس تہذیبی روایت ناہ موسمی چکراں تے زرعی نظام تیں جڑیا رہن گو ذریعہ بنے۔ یوہ تہوار برسات غا موسم مانہ مانیو جے تے آئندہ فصلان غا امکانات گا قدرتی اشارو فراہم کرے اس تیں اندازو وے کہ کھڑی فصل اچھی پیداوار دے غی۔ تہوار غا بارا مانہ معلومات دیتا واں ایک بزرگ شہری نے اس طرح کہیو۔

KAVINDER OATH

بی جے پی غا سینئر رہنما کووند گپتا نے اج مرکزی زیر انتظام لداخ گا نوا لیفٹیننٹ گورنر گا طورو حلف لیو چار دن پہلاں صدر جمہوریہ درویدی مرمو نے انہاں ناہ اس آئینی عہدہ ور مقرر کیو تھو کووند گپتا ناہ جموں کشمیر تے لداخ ہائی کورٹ غا چیف جسٹس جسٹس ارون پلی نے لداخ راج بھون مانہ منعقدہ ایک تقریب غے دوران حلف دوايو اس تیں پہلاں گپتا جمعرات ناہ لیہ پُجیا تھا اُن غی آمد ور لداخ غا چیف سیکرٹری پون کوتوال ڈی جی پی ڈاکٹر ایس ڈی سنگھ جموال سول انتظامیہ غا اعلیٰ افسران تے ممتاز شہریاں نے اُن گو پرتپاک استقبال کیو۔

CS IIM

چیف سیکرٹری اٹل ڈلو نے آئی آئی ایم جموں مانہ جامع تعلقاتی پروگرام تیں خطاب کرتا واں کہیو کل انہی غو وے جہیرو اس غی تیاری اج تیں کرے اپنا خطاب مانہ انہاں نے ادارا ناہ ایک مثالی متاثر کُن تینبدیلی لیان آلو مرکز قرار دتو۔ یوہ پنج روزہ پروگرام 14 جولائی تیں آئی آئی ایم جگتی کیمپس مانہ شروع ہووے جس غو مقصد نوا ایم بی اے پی ایچ ڈے ای ایم بی اے تے ایم بی اے ہیلتھ بیچیز غا طلباء غو خیر مقدم کرنو ہے اس پروگرام مانہ ماہرین غی تقاریر ثقافتی شام شامل ہیں تے اس غو مقصد طلبہ ناہ ایک متحرک تعلیمی سفر واسطے تیار کرنو ہے۔

POONCH RAIN

ضلع پونچھ غا مینڈھر علاقہ مانہ حالیہ شدید بارش گا نتیجہ مانہ گج کوٹھاں تے ایک مدرسہ تے ایک گورو دروانہ صاحب ناہ مچ نقصان پُجیو ہے متاثرہ علاقہ مانہ پنچایت سنجوت گی وارڈ نمبر 4 شامل ہے جت کھٹوں کھٹ 3 رہائشی کوٹھاں تے ایک مدرسو ناہ نقصان پُجیو ہے اونگا تحصیل منڈی تے حویلی مانہ 3 کوٹھاں ناہ نقصان پُجیو ہے سرکاری ذرائع نے دسیو ہے کہ ڈیرا ست پوری نگالی صاحب مانہ واقع ایک مدرسہ تے گورو دوارا صاحب غے نیڑے چھ کوٹھاں ناہ شدید بارش تے مٹی غا تودی تیں نقصان پُجیو ہے اس سلسلہ مانہ ترقیاتی کمشنر پونچھ وکاس گنڈل نے نقصانات گو جائیزو لین واسطے متاثرہ علاقان غو دورو کیو آکاشوانی غا خبراں آلا شعبہ سنگ گل کرتا واں ترقیاتی کمشنر غو کہنو تھو۔

ITI RAMBAN

آئی ٹی آئی رام بن نے 2025-26 تے 2026-27 سیشن بارے نواں داخلہ گو عمل شروع کردتو ہے جن طلبا نے بکھ بکھ کورسز مانہ داخلہ واسطے درخواست دتی وی ہیں وے ہُن فہرست مانہ اپنو نام چیک کرسکیں کیونجے فہرست ناہ حتمی شکل دے دتی گئی ہے تے اپڈیٹ ور کردتو گیو ہے تاہم اس طرح داخلہ لین گی آخری تاریخ 24 جولائی 2025 ہے آئی ٹی آئی مانہ متا سارا کورس شامل ہیں جس طرح ایکٹریشن ویلڈر کمپوٹر آپریٹر فٹر وغیرہ اس بارے مزید جانکاری دیتا واں آئی ٹی آئی رامین غا سپر انٹنڈینٹ پرویز اقبال نے اس طرح کہیو۔

KHIDMAT CENTRE SEALED

رام بن غا بانہال علاقہ مانہ غیر مجاز اضافی رقم غی شکایت ور تحصیل انتظامیہ نے کاروائی کرتا واں ایک مقامی عوامی خدمت مرکز ناہ سیل کردتو ہے تے مزید تحقیقات غو آغاز کردتو گیو ہے تانجے

بدعنوانی تیں پاک معاشرہ نانہہ یقینی بنایو جاسکے حکام غے مطابق ایک مقامی صارف نے شکایت درج کرائی تھی کہ بانہال گا پُرانا ہائیوے ٹاون مانہہ واقع اس خدمت مرکز نے قانونی وارث گو سرٹفکیٹ واسطے دستاویزات تیار کرن غے بدلے آن لائن ادائیگی غے ذریعے 2500 روپیہ وصول کیا جد کہ اس غی مقررہ خدمت غی رقم صرف 610 روپیہ تھی۔ اس بارے مزید تفصیلات دیتا وان نائیب تحصیلدار بانہال افاق احمد نے اس طرح کہیو۔

UDH MISSION YUVA

ادھمپور مانہہ روز گار محکمہ غی جانب تیں ایک شاندار پروگرام غو انعقاد کیو گیو جس دوران ڈپٹی کمشنر ادھمپور سلونی رائے نے مشن یوا سکیم غے تہت 12 مستفیدان نانہہ منظوری غا خطوط تقسیم کیاہہ تقریب روز گار بارے ڈپٹی ڈائریکٹر موبندر کمار شرما تے جے اینڈ بینک غا نمائندان غی موجودگی مانہہ منعقد ہوئی اس موقع ور خطاب کرتا وان ڈیسی نے مشن یوا سکیم غے تحت فائدہ حاصل کرن آلا نوجوانان نانہہ مبارک باد دتی۔ انہاں نے نوجوانان ور زور دتو کہ جلد از جلد اپنا کاروبار یونٹس قائم کریں تانجے وے نہ صرف اپنا واسطے روز گار پیدا کریں بلکہ دوجا واسطے بھی ایک مثال بن سکیں۔
